


E4 Garudo

Ando majo 1944 organizuisarde le nacionalsocialistur racije ande Holandija, te bi astarenas sja le takozvani „Zigeuner“ taj te deportirin len ande KZ-ura. O Zoni Weisz sas vorta jefta bêšengo, kana xasardja vov peskî antrego familija. Pe vrjama la racijaki nas vov khêre, numa xancî palal astarde vi les taj angêrde les kaj trenoski stanica palaj deportacija. Ali jeg lašo policajco – fajma sas lo jeg membro la resistancako – mêklja les pe paluno momento te našêl peskê taj te garadjol. Amala taj njamur ažutisarde leskê te preživil. Pala marimasko agor studirisardja o Zoni barakî kultura taj avilo jek kata maj prominentni evropakê floristur taj vi jeg ašundo aktivisto po marimos pala le Řomengê taj Sintongê čačimata.



1910

1951

1944

💡 Žanglen tumen

...kê o Zoni Weisz sas o angluno Sinto, kas akhardja o njamcicko parlamento te del дума ka 27.01. 2011 pa genocido kata la evropakê Sinti taj Řom?

✍ Tumari buči

So sičos amen pa o Zoni Weisz anda kado dokumento? Arakhên maj but informacije pa o Zoni Weisz taj lesko socialno angažmano pe: www.romasinti.eu

📷 Paj fotografija

Personalno lil kata o učeniko Johannes (Zoni) Weisz, avri dino jeg šon palaj deportacija kata lesko dad, kata leski dej taj kata leskê phral. Zentralrat deutscher Sinti und Roma, Heidelberg/Deutschland.



<https://www.romasintigenocide.eu/kelderash/e>